



# Ямде лий

ВЛКСМ МАРОБКОМЫН ОРГАНЖЕ  
Адрес: Йошкар-Ола, Совет пöрг, „Ямде лий“ редакций.



Советский Союз Герой ком-  
бриг П. Е. Вещев.

Советский Союз Герой капи-  
тан Н. С. Угрюмов.

Советский Союз Герой стар-  
ший лейтенант Д. Л. Маргулис.

## Герой-шамычлан честь ден чап!

Герой-шамычын ешышт ешаралтын.

Финский белогвардейщи-  
на ваштареш кучедалме  
фронтышто командовани-  
йын боевой заданийжым  
образцово шуктымылан да  
тидын годым отвага ден  
геройством ончыктымылан  
27 йошкарармеец ден ко-  
мандир-шамычлан Ленин  
орденым да „Золотая звез-  
да“ медалым вручитлен,  
Советский Союз Герой зва-  
нийым присвоитлыме.

Теве нунын лумышт: йош-  
карармеец Владимир Кузь-  
мич Артюх, младший коман-  
дир Василий Петрович Бах-  
валов, старший лейтенант  
Никифор Григорьевич Боль-  
шаков, лейтенант Виктор  
Константинович Булавский,  
комбриг Петр Евгеньевич  
Вещев, младший командир  
Борис Васильевич Волк,  
йошкарармеец Кузьма Дми-  
триевич Высоцкий, младший  
командир Василий Ивано-  
вич Галахов, лейтенант Ва-  
сий Григорьевич Груздев,  
полковник Владимир Несте-  
рович Кошуба, младший  
лейтенант Николай Григо-  
рьевич Кичигин, йошкарар-  
меец Иван Михайлович Ко-  
маров, кокымшо ранг воен-  
техник Иван Иванович Ко-

валь, младший командир  
Григорий Михайлович Лап-  
тев, младший командир  
Михаил Андреевич Ларчен-  
ко, младший командир Ми-  
хаил Абрамович Лобастев,  
младший командир Федор  
Иванович Лопатин, младший  
командир Евгений Алексе-  
евич Луппов, старший лей-  
тенант Давид Львович Мар-  
гулис, йошкарармеец Ни-  
колай Никитич Никитин,  
йошкарармеец Григорий  
Степанович Пулькин, лей-  
тенант Михаил Матвеевич  
Родичев, йошкарармеец



Советский Союз Герой йош-  
карармеец И. М. Ульянов  
Йолташ.

Карпет Семенович Симонян,  
йошкарармеец Иван Ми-  
хайлович Соломонников,  
младший лейтенант Павел  
Васильевич Усов, йошкар-  
армеец Иван Михайлович  
Ульянов, капитан Николай  
Степанович Угрюмов.

Кок тужемат пелэ утла  
боец-шамычым СССР Вер-  
ховный Совет Президиум  
орден да медаль дене на-  
градитлен. 19 стрелковый  
полкым „Красное Знамя“  
орден дене наградитлыме.

Советский калыкын доб-  
лестный эргышт-шамычлан  
честь ден чап!

Йошкар Армийын вои-  
нышт-шамыч Финляндийын  
луман-чодраштыже, ер ден  
куп-шамыч воктен, пеш  
йүштö жапыште чыла йо-  
сылыкым сенен, тушман-  
шамыч ваштареш героичес-  
ки кучедалыт. Шке священ-  
ный долгштым честь де-  
не шуктат. Мемнан армий-  
утарыше армий Финляндия-  
йысе шемер-шамычлан эры-  
кым конда. Мемнан армий  
сеналтдыме!

Советский боец ден ко-  
мандир-шамыч белофин-ша-  
мычлан пенгыде отпорым  
пуэн шогат.

**Капитан  
Н. Г. Саранчевлан  
Советский Союз Герой  
званийым  
присвоитлыме**

Финский белогвардейщи-  
на ваштареш кучедалме  
фронтышто командовани-  
йын боевой заданийжым  
образцово шуктымылан да  
тидын годым отвага ден  
геройством ончыктымылан  
капитан Николай Георгие-  
вич Саранчевлан Ленин ор-  
деным да „Золотая звезда“  
медалым вручитлен, Совет-  
ский Союз Герой званийым  
присвоитлаш СССР Верхов-  
ный Совет Президиум Ука-  
зым луктын.

**Кугу  
награда**

Финский белогвардейщи-  
на ваштареш кучедалме  
фронтышто командовани-  
йын боевой заданийжым  
образцово шуктымылан да  
тидын годым доблесть ден  
мужеством ончыктымылан  
СССР Верховный Совет  
Ленин орден дене 5 еным,  
„Красное знамя“ орден де-  
не—76, „Красная звезда“  
орден дене—23, „За отвагу“  
орден дене—53 да „За  
боевые заслуги“ медаль  
дене 6 еным наградитлен.

**Самырык  
баскетболист-шамычын  
вашлиймышт**

Баскетбол дене москов-  
ский кубокышто сенгыше  
„Темп“ юношеский команда  
икмынар кече Минскийте  
лийын, тушто местный одно-  
клубник дене вашлийын.  
Первый тайм 14:14 ничья  
дене пытен.

Кокымшо таймыште моск-  
вич-шамыч 9 очколан ут-  
ларак пуэныт. Общий счет  
34:25.

Москвич-шамыч атак  
„КИМ“ йоча команда дене  
вашлийыныт, 46:15 счет де-  
не сененыт.

## Шыланна Вozat

### Кумышо чырыкыште эше сайын тунемаш тыршена

Ме тунемме ийын пер-  
вый кечыже гычак класс  
ден класс соровноватлен  
тунемаш решитлышна. Сад-  
ланак класс коклаште соц-  
договорым ыштенна да „хо-  
рошо“ да „отлично“ туне-  
маш обязательством налын  
улына, соцдоговорым ме  
тергена. Налме обязатель-  
ствына кагаз умбалне огыл,  
а чынже денак шукталтеш.  
Ти ды же тыжечын раш  
кеш: мемнан школышто  
4-ше класс уло. Тушто чы-

лаже 20 йоча-шамыч туне-  
мыт, 1-ше ден 2-шо чыры-  
кыште ик начар тунемшат  
лийын огыл. 15 йоча-шамыч  
сай да „отлично“ отметка  
дене гына тунемыт. „По-  
средственно“ отметкым  
налше - шамычлан ме ку-  
рытде полшен шогена. Ну-  
ным ончыл радамыш лук-  
таш тыршена.

**Стрельников Костя ден  
Потаева Вера.**  
Савинский школа, Йошкар-Ола  
район, 4-ше класс.



Йошкар-Оласе 6 номеран школышто отлично тунемше-шамыч.  
Снимкыште: первый рядыште, шолга гыч пурлашке (шинчат)  
Лиза Сенникова, Вера Федорова, Валя Никитина. Кокымшо ря-  
дыште: Наташа Суворова, Володя Лифанов, Лева Злобин да  
Лида Масленникова.

Фото М. Чуршукерын.

### Мемнан звена ончылно

1-ше чырыкыште мемнан  
звенасе ик пионер историй  
дене „плохим“ налсе. Тиде  
мемнан 3-шо звенам да от-  
рядым намысыш пуртыш.  
Ме тудлан полшаш тунал-  
на. Тудо шкежат чот зани-  
матлаш тунале. 2-шо чы-  
рыкыште мемнан покенат  
шу. Ынде звенаштына на-  
чар тунемше иктат уке.  
Тыге 3-шо звена ончыл ве-

рыш лекте. Могай куаны-  
маш! Но ме тышакын она  
тыплане „отлично“ отметкым  
налшаш верч чот тыршен  
тунемшына. 3-шо чырыкыште  
посредственно отметкым  
пытараш—теве мемнан за-  
дача.

**Звеновод М. Тимофеева.**

Морко район,  
Шиньша средний школа,  
2-шо отряд, 3-шо звено.

### Оборонный кружок-шамыч пашам сайын ыштат

Школысо осовавиаким ор-  
ганизаций пелен „ПВХО“  
„ГСО“ кружок-шамыч улят.  
Нуно пашам сайын ыштат.  
Кружок вуйлатыше Тере-  
хов Г. М. пашам уло  
кумылжо дене ышта. Кызыт  
90 тунемшын оборон-  
ный значокышт уло. Тиде  
кечылаште 10 тунемше  
„БГТО“ значоклан нормым  
сдатлен пытарат.  
Йошкар Армийын XXII  
идалькыше вашеш „ПВХО“  
значоклан 49 ег, „ГСО“

значоклан 50 ег нормым  
сдатлаш мутым налыныт.  
Кызыт нуно виан ямдыла-  
тыт.

**Росляков Илья.**

Коклала НСШ,  
Шернур район.







## У КЛАССНЫЙ ОРГАНИЗАТОР

25 январьште 6-шо „Б“ классыште тунемше-шамыч пытаргыш урок деч вара мбнггышкышт шаланен ышт кай, нуно классный погынымашеш кодыч. Погынымашем классный руководитель Василий Степанович почо.

— Таче,—мане тудо,—классный организаторнам угыч сайлена.

Президиумым сайлымек, мут классный организатор Гараев Сергейлан пуалте.

— Мый,—ойлаш тунале Сергей,—кок чырык мучко классный организаторлан пашам ыштышым. Тиде пашам шуктымем тышеч коеш: классыште дежурствым эре ыштен шогемам, классыште порядкым ыштышым. Мемнан классыште тунемше-шамыч общественный пашаште активный участвоватлат. Кириллова Тая, Попова Евгения, Охотников Юрий драматический кружокын активный членже улыт. Шкелан подшефный организациышке — Марторгыш концерт дене миймаште мемнан классысе тунемше-шамыч кугу активным ончыктышт. Шучо тунемше-шамычна Йошкар-Ола ДТС-ышке коштыт. Дисциплина верч кучедалмаш тышеч коеш: ме классный руководитель дене пырля хулиганитлен кошшо, тамакым шупшо Мясников Шурам ужын, тудын дене беседоватлышна.

Вара Сергей шыпле, молым нимомат ыш ойло, вет тудо пашажым сайынак ыштен оыл. Тудын отчетым ыштен пытарымеке, прекий тунале. Мутым Попова Евгения нал:

— Вик ойлаш гын, мемнан классный организаторна пашам начарын ыштен. Мемнан класс пашам ыштен, общественный пашаште эн активный участвоватлен, тунемше-шамыч ДТС-шке коштыт, но тиде пашам мемнан классный организаторна вуйлатен

оыл. Тудо класс верч велэ оыл, а шкеж верчат тыршен оыл. Дисциплина нбталмаште примерым ончыктышаш олмеш тудо дисциплина шкежат нарушатлен. Садлан мыйын предложением тыгай: Гараев Сергейым классный организаторлан уэш сайлаш оыл. Мыйын вес кандидатура уло: Долгоруков Шура.

Евгения почеш Стрельников Николай выступатлыш. Тудат классный организаторым—Сережа Гараевым критиковатлыш. „Дисциплина мемнан классыште начар,—мане тудо.—Классный организаторлан инициативный, авторитетный тунемшым сайлаш кулеш. Мый тыгай тунемшылан Стрельникова Валам шотлем, садлан тудым классный организаторлан сайлаш темлем“. Варажым Александрова, Хованская, молат выступатлышт. Нуна классный организатор пашам начар ыштен маньыч. У классный организаторлан сайлаш Петровым, Шалагинам выдвигатлышт. Да, чынжымак Сережа Гараев шке классыш чыштыш верч кучедалын оыл. Тудо тунеммаште почеш кодыш-шамычлан полшымым организаватлен оыл, садлан 29 тунемше гыч 17 тунемшыжын „плохо“ отметкышт уло. 6-шо „Б“ классыште кече еда „плохо“ отметка ешаралтын. Успеваемость шот де-

не нунын классышт ик кечынат первый верыш лектын оыл. Школын коштомаш кодыш чырыкыште улыжат 94 процент велэ. Тидын нерген классный организатор шоналтенат оыл, шке отчетыштыжат нимат ойлен оыл. Вот тидлан йоча-шамыч Гараевым критиковатлышт. Кандидат-шамыч нылыт улыт ыле: Долгоруков Шура, Петров, Шалагина да Стрельникова Вала. Голосований тунале.

— Кб Долгоруков Шурам классный организаторлан сайлаш манеш гын, кидым нбталза,—погынымаш вуйлатыше каласыш. Кид-шамыч куш нбталтыч. Шучышт тудым классный организаторлан сайлаш решитлен, садлан тудын верч шукышт кидыштым нбталыч. Тыге Шура классный организаторлан сайлате.

Тудо дисциплина шотышто примерный, инициативный, тыршыше. Тудым йоча-шамыч йбрата, пагалат. Долгоруков Шура шке верчыше велэ оыл, молышамыч верч, классын чыштыш верч тырша. Тудо ынде классный организатор. Пашам сайын ышташ туналеш, манын йоча-шамыч пентгыдын ушанат.

Иыв. Федотов.

Йошкар-Ола, 4 номеран школа.



Тунемме ийын первый пелиым отличо тунуктен пытарыше Йошкар-Ола учитель-шамыч. Шинчат (шола гыч пурлашке): А. В. Ивановская, М. С. Шерстнева. Шогат (шола гыч пурлашке): Е. И. Пинегина, А. М. Виноградова да М. В. Столярова. Фото С. Чуршукын.

## Юннат-шамыч павильон 1940 ийыште

1940 ийысе Всесоюзный ял озанлык выставкыште юннат-шамыч павильонышт кодшо ийсе деч эше интересный лийшаш. Ятыр у отдел-шамыч ылийт.

Юннат-шамычын разделиштышт ял озанлык техника дене овладеватлымаш ончыкталеш. Тыште юный тракторист, комбайнер-шамыч шке сенымашыштым ончыктат. Мар-Посад школышто (Чувашский АССР) тунемше пионер-шамычлан посна раздел ышталеш. Нуно тошто деталь-шамыч дене шке гыч тракторым погенят. 22 школьник тракторым викараш тунемынт. Южо тракторист-шамычым Йошкар Армиыш налынт, нунын олмеш тунемше-шамыч трактор дене

колхозын 700 гектар мланджым куралынт.

Посна разделиште юннат-шамыч ял озанлык растенийн вредительже-шамыч вастареш кучедалмыштым ончыкташ туналыт. 5-ше классыште тунемше Петр Бобыр (Казахский ССР) 1939 ийыште 500 суслыкым кучен. Туштак Чкаловский областысе юннат-шамычын вредитель-шамыч вастареш кучедалмаште сенымашышты ончыкталеш.

1940 ийысе Всесоюзный ял озанлык выставкыште юннат-шамыч кокла гыч Глеб Державин ден Тоня Козлова участвоватлышаш улыт, нунын пашашт кугу интересан улыт. Глеб Державин (Москвасе Фрунзенский станций) вегетативный гибридацийым ыштен, шергакан у сорт пареггым луктын. А Тоня Козлова ик парегг гыч 1035 пареггым шочыктен, ик вожышто улшо чыла пареггын нелытше 57,8 килограмм.

Куйбышевский, Иркутский областысе юннат-шамычын пашашт пеш интересный улыт. Астрадамский школышто тунемше-шамыч колхозный фермысе 11 презым да 8 чомашефыш налынт. Презо ден чомашамыч пеш сайын кушкыт. Тиде школышто тунемше-пионер-шамыч шке районштышт исследовательский пашам ыштат, нуно шуйым, минеральный удобренийым муныт.

Мейеровский школышто юннат-шамычын садовый питомник ыштыштылан 15 ий лиеш. Школын 6 гектар участкыштыже чапле мичуринский олма-шамыч шочыт. Тиде жапыште питомник гыч ятыр шындашаш садым колхозлашке шарыме.

1940 ийысе Всесоюзный ял озанлык выставкыла юннат-шамыч виян ямдылалтыт.



Е. КРЕЙН.

## Комсомолец ЛЕЙТЕНАНТ Иван Трубочкин

Военный школым тунем лекше латиндеш ияш лейтенант Иван Трубочкин чаше Йошкар-Ола армеец-шамыч коклаште вашке шарлен. Тудо кажне боец дене пагален, йбрата мутланен. Тудо эре нбталтыш кумулан, весела улмаш, кас еда йошкарармеец шамыч деке толын, нунын дене ятыр жап кутыркален шинчалтын, тюрлб нерген каласкален.

17 сентябрьште границым вончаш приказ пуалтын. Трубочкин подразделенийе границым моло пехотный часть-шамыч деч ончыч вончен. Эн ончыло улшо канде шинчан весела командир границе вес велыш кайше кертнб корно гоч пыштыме каштам сура-лыме кббным шкеак пудыртен.

Тудо чот йывыртен улмаш, вет Йошкар Армиыш радамаште улмыжлан лийын, Западный Белоруссийысе калыккан эрыкым кондаш пиал логалын.

Границым вончымеке, Йошкар Армиыш запад могогышкыла сенымашым ыштен каен.

30 сентябрьште комсомолец Иван Трубочкин подразделенийе приказым налын: мемнан авиаций деч лудын чодраш шылыше офицерский бандым пытараш. Наступлений лектын. Командир дене пырля политрук Прусенко йолташ да Новозыбковский

районысо колхозник Йошкар-Ола армеец Переправа йолташ лийынт.

Пасушко лектын. Пурлаште чодра, шолаште—нугыдо вондер. Тиде жапыште польский офицер-шамычын отрядышт лектын. Лейтенант Трубочкин противником илышынек пленыш налш шонен. Но чодра гыч польский офицер-шамычын чарныде лектын шогымыштым ужмек, тудо шкенжын шонымыштым васталтен да политруклан каймаштак каласен.

— Ме йошкарармеец Переправа дене коктын ончык каена, а тый пулемет дене тунгал. Нугыдо шудо лонгаш каен йоммеке, нуно тушман деке утыр лишемын.

Поляк-шамычын 2 пушкышт да кок пулеметышт лийын. Красный-шамычым ужмек, нуно орышо семын луйкалаш тунгалынт. Шучко кучедалмаш тунгалын, вий тбр оыл улмаш.

Трубочкин ден Переправа шке частышт деч ойрылмек, тушман-шамыч деран авырналтым шинжынат огытлы. Пушенте шентгеч тбрштен лекше польский офицер лудымб командирин кидшым эмгачен. Командирин кидше гыч винтовка камбозын, но Трубочкин тудым уэш руалтен налын.

— Виян лийже Сталин!—тиде

мут дене тудо атакыш тарванен.

Кид гычше вур йоген. Но тудо але винтовкыжым пентгыдын кормышталын кучен да штык дене куд польский офицерым йырыктен пыштен.

Тудын вийже пытен шуын. Шучо вурым йоктарымеке, Трубочкин мланде умбак йбрлын. Тиде минутышто тудо икте нерген гына шонен: тушман дек пленыш логалаш оыл, шкенашамыч деке нушкын каяш. Пытаргыш вийжым пыштен, тудо мушкыр дене нушкын.

Тудым польский бандит-шамыч поктен шуынт. Нуно эмганыше комсомолецым мыскылен вурсенят. Тудым штык дене шуркаленят, орландарынт, мемнан войска-шамычын кушто улмышт нерген пален налнешт улмаш. Но командир Иван Трубочкин ик мутымат пелештен оыл. Тудын деч нимомат пален налш ок лий манын шоналтенят, яныкыш савырныше офицер-шамыч йошкар командирым тулеш йулалташ приказатленят.

Иван Трубочкин геройский колен Тудо шке вуржб дене Брестыш кайме корным эрыктен. Тудо Йошкар Армиыш лудымб воинже семын, великий социалистический родинынын чын патриотшо семын кучедалын.



Йошкар-Ола Пионер пбргысб библиотека гыч кынам налын каят.



## Школа кӱргысӱ оборонный соревнованийыйын программасыже

## ЙОЧА-ШАМЫЧ!

Тений, 10 февральште, пионер ден школьник-шамычын школа кӱргысӱ оборонный соревнованийыйын тунгалеш. Тиде соревнованийлаште 5, 6, 7, 8, 9 да 10-шо класслаче чыла тунемше-шамычат участвоватлен кертыт.

Соревнованийлаште индивидуально (шкетын) иктаж-могай ик вид дене участвоватлаш лиеш. Класс-шамыч але пионерский отряд шамыч соревнованийыйын кажне видше денат мынар командым шонат, тунарым выставитлен кертыт.

Школа кӱргысӱ соревнованийлаште луйымаш да гранатым шуымаш, военный топографий да связь, ПВХО, санитарный оборона дене ончыл верыш лекше-шамыч ойрен налалтыт. Нине участник-шамыч дене школын сборный командыже ышталтыт. Школласе оборонный команда-шамыч районный оборонный соревнованийыйлаште шке школыштын честыштым аралаш тунгалыт.



Соревнованийлаште участвоватлыше-шамыч 6-шо №-ан мишеньыш (ЮВС значоклан первый нормат тиде мишеньыш луймӱ денак сдатлалтеш) 25 метр тора гыч открытый прицелан малокалиберный винтовка дене возыш, винтовкым шке кидешышт кучен, луйаш тунгалыт.

Винтовка ынже тарване манын, иктаж-могай искусственный чаракым ышташ йӱршыш огеш лий. Лач винтовкын ремнеже дене гына пайдаланаш лиеш.

Луйшылан 3 пробный да 5 зачетный патрон пуалтеш.

Эн шуко очком налше первый группын 5 стрелокшо-шамыч (5—7-ше класслаште тунемше-шамыч) да кокымшо группын 5 стрелокшо-шамыч (8—10-шо класслаште тунемше-шамыч) школын сборный команда составышкыже пурат.

Школа кӱргысӱ стрелковий соревнованийыйын программасыже кок группжаланат ик гаяк, но зачет кажне группышто посна ышталтеш.

Кокымшо группын стрелокшо-шамыч луймӱ деч посна еще гранатым шуымаш дене соревноватлаш

тунгалыт.

Гранатым шуымаш дене соревнованийыйым эртарашлан 100 сантиметр кукшытан, 70 сантиметр лопкытан 3 окнам ямдылаш кӱлеш. Первый окнам гранат шуымо линий деч 15 метр тораште, кокымшо окнам—12 метр тораште, кумышым—10 метр тораште шогалташ кӱлеш. Окна-шамыч мланде деч ик-кок метр кукшытышто лийышт.

Упражнийым ышташлан стрелоклан кум учебный гранат пуалтеш. Кок гранатым тудо сумкашкыже пышта, а иктым кидышкыже налеш. Чыла кум гранатым ик минут жапыште кышкылт пытараш кӱлеш. Стрелок кажне окнашке ик гранатым шуа. Первый окнашке гранатым логалтымылан стрелоклан вич балл шотлалтеш, кокымшо окнашке логалтымылан—ныл балл, кумыш окнашке логалтымылан кум балл шотлалтеш.

Кӱ эн шуко баллым пога, тудо ончыл верыш лекшылан шотлалтеш. А шуко йоча-шамыч ик тӱр баллым погат гын, ончыл верыш лекшылан тудо шотлалтеш, кӱ гранат шуымашлан жапым эн шагал эртарен.

## СВЯЗЬ ДЕН ТОПОГРАФИЙ



Военный топографий дене соревнованийыйлаште участвоватлаш шонышо кажне пионер ден школьник-шамыч соревнованийыйлан кружокышто але шкеак ямдылалтын кертыт. 5,6 да 7-ше класслаште тунемше-шамыч теве мом тунемшаш улыт: картын масштабшым лудаш да русский меран масштабшым метрический меран масштабшым переводитлаш; светын элыштым кече, час шӱдыр да верласе предмет дене палаш; картыште пумо маршрут почеш ончыктен каяш да тунамак местностьн рельефшым \*) лудаш; рельефын тӱрлӱ формажым (кукшака, впадина, хребет, лощина, седловина, обрыв, уступ, корем) горизонталь дене изображатлаш; картыште точкын превышенийжым да скатын туралыкжым определитлаш; отравляющий вещество (ОВ) дене заразитлалтше верым палемдаш карточкым составитлаш.

Судейский коллегий задачым составитла, тудын содержанияже йоча-шамычлан соревнованийый годым велӱ увертаралтеш.

Топографий дене соревнованийыйым классыштат эртараш лиеш. Судья соревнованийлаште-шамычлан "движенийын" маршрутшым отечатлыман топографический картым, яндар лист кагазым да кӱлеш приборшамычым, (циркульым, линейкым да молымат) пуэда. Тиде вара задачын условийже умылтаралтеш.

Задачым чыла йоча-шамыч ик ганаште решатлаш тунгалыт. Соревноватлыше задачым решатлымек, кынел шогалеш да тудым судьялан пуа. Кажне егын

\*) Рельеф—иктаж—могай верын ӱмбалже, тудын строениже.

задачым мынар жап решитлымжым судья воза.

Задачым вашке да абсолютно чын ыштыме гын, соревнованийыйлаште участвоватлыше (5 балл) "отличным", задачым вашке да тун шотышто чын ыштыме гын, (4 балл) "хорошо" налеш.

Кӱ задачым эркын, но тун шотышто чын ыштен гын, (3 балл) "удовлетворительно", чын огыл решатлышылан—(0 балл) "неудовлетворительно" шындалтеш.

2-шо группа соревнованийыйлаште участвоватлыше-шамыч военный топографий дене упражнийым ыштышаш улыт. Первый упражний дене йоча-шамыч задачым налыт. Тудым



решитлашлан, нуно мо тугай азимут маным, азимутым местностьшто да картыште определитлаш тунемман, движенийым азимут почеш—простой ден сложным изучатлаш.

Кокымшо упражнийым (глазомерный с'емка) ышташлан местностьшто линейным висаш тунемман, йол тошкылтышын да жапын масштабшым ыштыман; местностьн точкыжым кузе планшеткыш возымым палаш; планшет дене ориентироватлен, тушко направленийым вик да мӱнгӱшла викарымашым наноситлен моштыман.

Кокымшо упражнийым эртарашлан судейский коллегий местностьн кӱлеш участковшым ончычак ойырен налеш.

Глазомерный с'емкын тунгалме да пытарыме жапышым судейский коллегий установитла.

Оценка кокымшо группыштат первый группысо семьянак ышталтеш.

Тиде посна соревнованийыйлаште участвоватлыше-шамыч (кок группа гычат) связь дене упражнийым (флажок-шамыч дене сигнализацийым) ыштышаш улыт.

Текстым приматлымаш да передатлымаш (флажкограмм) постышто, икте-весе деч 400 метр тораште шогымо годым эртаралтеш.

Школа кӱргысӱ соревнованийыйлаште торам кучыкем-дашат лиеш. Кажне пост ик участник дене обслуживатлалтеш. Флажкограмм текст-шамычым соревнованийый тунгалме деч ончычак судейский коллегий составитла. Флажкограмм 25 группа деч шагал огыл гыч лийшаш (кажне группышто 5 буква).

Соревноватлышын 2 сигнальный флажок, карандаш, лист кагаз да передаче текст (судейский коллегийын составительме 4—5 флажкограмм) лийман.

Флажкограмм—шамычым вашталтымаш судьян командыже почеш тунгалеш: "Пашашке пижаш"! Соревноватлыше кокла гыч икте шке постшо гыч флажкограммым передатла, а весе приматла да тунамак воза. Пост-шамыч ик шагат пашам ыштат. Тиде жапыште ужмаш (вызов), предложений, согласийым налмаш, передача да прием пура. Кажне соревноватлыше флажкограммым 30 минут передатла, 30 минут приматла.

Соревнованийлаште участвоватлыше 30 минут жапыште 80 группым передатла гын, тудо (5 балл) "отличным" налеш. 70 группым передатла ватымылан (4 балл) "хорошо", 50 группым передатламылан (3 балл) "удовлетворительно" шындалтеш.

50 группа деч шагал передатлымылан, але флажкограммым передатлымаште йонгылышым ыштымылан (0 балл) "неудовлетворительно" шындалтеш.

Связь да военный топографий дене соревнованийыйлаште участвоватлыше-шамычын индивидуальный результатыштын военный топографий да связь дене налме балл-шамычын суммышт гыч пален налалтеш.

Икмынар участник-шамычын баллыштын ик тӱр гын, первенство группым передатлыме количество почеш палалтеш.

Балл-шамычын суммышт да передатлыме группым количествожо ик гай тӱр годым, эн сай верым топографий дене задачым ышташлан жапым шагал эртарыше налеш.



Морко средний школысо ПВХО кружокын занятиыштыже противогазым тунемыт. Снимкыште (школа гыч пурлашке): Деменцева Тоня, Кулаков Володя, Никитин Юра, Измайлов Ким, кружок вуйлатыше Калягин А. В., Лоскутова Лидя, Алексеева Рая. Фото А. Овечкинын.





### Суйчжоу вонтен китайский войска-шамычын кугу сенгымашышт

Хубэй провинцийн северный ужашыштыже китайский войска-шамыч ко-кымшо кугу сенгымашыштыштен. Тыште нуно Суйчжоу секторышто японский войска-шамычын кугу наступленийштым чактарен кертыныт. Китайский часть-шамыч писын контрнаступленийш кусненыт да Га-

очэным (Суйчжоу деч 40 километрлан северышты-рак) налыныт. Китайский войска-шамыч чакнен кай-ше японц-шамычым пок-тат.


Тыште кредалше 20 тү-жем солдат гыч бойышто японц-шамычын 4 түжем ен колен да 7 түжем ен сусырген.

### Английыште йоча-шамыч кузе илат

Война тугалме годым, английский правительство Лондон да Английын моло кугу олаже гыч йоча-шамычым эвакуироватлен ыле. Нуно германский самолет-шамыч Английын ола-шамычым бомбардироват-лаш тугалыт маньын, луд-мышт дене ыштеныт.

Лондонышто школьный ийготан 412 түжем йоча-шамыч улыт ыле. Тыше-чын 112 түжемже шке

ешышт дене пырля каеныт, а 241.000 йоча-шамычым английский правительство колтен. Но тудо колтымо йоча-шамычын сай илыш-ышт верч тыршен огыл. Йо-ча-шамыч колтымо верыш-те пелэ шужен илат. Шу-кышт тунемын огыт керт. Садланак кызыт 80 түжем наре йоча-шамычым уэш Лондоныш пörтылтымб. Йоча-шамыч пеш начар положенийыште улыт.



Германийн западный границыште укрепленийже. Снимкыште противотанковый заграждений ливий.



Поликарпов Семен (Куженер район, Йован-Сола средний школа гыч), Гаврилов Гриша (Йошкар-Ола район, Шеклянув НСШ гыч) да Речкин Иван (Ронго район, Кужмарий НСШ гыч) кече-шамычын истори-йышт нерген йодыт.

### АРНЯН ИСТОРИЙЖЕ

Еше 3.000 ий ожнак Вос-токышто ассириец ден вави-лонян-шамыч ийым тылзе-шамычлан, а тылзым шым кечан арнялан пайлаш тугалыныт. Нине калык-шамычын тунам календарыштын лунный улмаш. Лунный тылзыште 28 кече улмаш, 28 кечым ныл арнялан пай-леныт, кажне арняште 7 кече лийын. Тыгак нуно каваште шым планет уло да кажне планетым посна юмо вуйлата маньын шоне-ныт. Нуно шоненыт, пуйто арнян кажне кечыже тиде шым планетный юмо-ша-мыч кокла гыч иктыжын властыштыже лиеш. Сад-ланак нуно арнясе кече-ша-

мычлан тиде юмо да пла-нет-шамычын лумыштым пуэныт.

Ассириец да вавилонян-шамыч семынак египтян, грек, римлян да моло калык-шамычат шым кечан арням ышташ тугалыныт. Римлян-шамыч арням "сед-мица" маньын лумденит, а арнян кажне кечыжлан шке планетный юмо-ша-мычын лумыштым пуэныт. Арнян первый кечыжым нуно Кечын кечыже, ко-кымшым—Тылзын кечыже, кумышым—Марсын кечы-же, нылымшым—Меркури-йын кечыже, визымшым—Юпитерын кечыже, кудым-шым—Венерын кечыже,



Белосток оласе текстиль-ный фабрикаште (БССР) со-ветский власть лийме деч он-чыч 80—85 ияш-шамыч шу-кын пашам ыштеныт. Ста-линский Конституцийн 120 статьяже почеш, шонго-ша-мыч полыш налаш праван улыт. Снимкыште: (шолаш-те) фабрикаште 65 ий пашам ыштыше 83 ияш ткач Ш. Г. Френкель да 76 ияш ткач Т. И. Миклавский. Тудо 53 ий пашам ыштен. Кызыт нуно коктынат пенсийыш лектыныт.

### Лум молан кычыртата?

Йушто теле кечыште йол йы-малне але кайше тер таван йы-малне лумын кычыртатымжым ко колын огыл гын? Левырак ке-чыште тиде кычыртатым от кол.

Мо вара кычыртата?

Очыни, те шуко гана шкендан пальто шокшышкыда йогышо лум звездочка-шамычым ончен улыда. Кажне лум пырче—пеш изи пудырго, кагура ий кристал-лик. Тиде нежный лум пырче-шамычым изиш темдалат гынат, каткалалтыт да садланак изишак кычыртатат. А йол йымалне ала кунар миллион лум пырче улыт, нунын ик ганаште пудыргылмышт дене те виян кычыртатым колда.

Молан левырак кече годым лум ок кычыртате? Лева кече годым йол тошкалме дене да тер таван-нын темдымже дене лум пырче-шамыч огыт пудыргыл, а йук шоктыдеак шулат, варажым адак кылмат.

шымышым—Сатурнын ке-чыже маньын лумденит (ты-гай кече лум-шамыч фран-цузский, английский, ита-льянский да изишак немец-кий йылмыште кызыт мар-теат улыт).

Древний еврей-шамычат вавилонян-шамыч деч шым кечан арням ышташ туне-мыныт да шымыше кечы-же нунын пайремышт ул-маш, тиде кечылан суббо-та (марлаже шуматкече) лумын пуэныт. Древний христиан-шамыч кечым римский названий-шамыч дене лумденит да еврей-шамычын примерышт почеш гына субботам (шумат-кечым) пайрем кечылан шотленит. Римский импе-ратор Адриан христианский эран II курмыштыжо шумат-кечын пайремым ышташ ча-рен да чылаланат арнян первый кечыжым—"Кечын кечыжым" пайремлан шот-лаш увертарен. Христиан-шамыч тиде приказлан подчинятленит, но эркын-эркын арнян первый кечы-жым "господный кече" да "воскресенье" (марлаже-рушарня) маньын лумдаш тугалыныт.

### Книга—мыйын йоратыме йолташ

1-ше классыште улмем ше нерген пеш сайын во-годымак мый художествен-ный литературым лудаш йоратем ыле. Тунам изи книга-шамычым лудеденем. А кызыт шкенан школьный библиотеке ятыр книга-жым лудын пытаренем. Мыйын изи блокнотем уло. Тушко кажне лудмо кни-ган содержанияжым кучы-кын возем. Эн чотшо мыла-нем "Мальчик из Уржума" келшыш. Тушто Сергей Ми-ронович Кировын йоча жап-

ше нерген пеш сайын во-зымо.

"Остров сокровищ", "Армянские сказки", "Сергей Лазо кузе пытен", "Жизнь и приключения Р. Амундсена", "Голубой берег" луман книга-шамы-чат пеш онгай улыт.

Книга—мыйын йоратыме йолташ.

Тимофеева Маргарита.

Морко район, Шиньша средний школа, 6-шо класс.



Яра жап годым яндар южышто кошташ могай сай! Юный художник Белов Николайын суретше. (Лапка-Сола ял, Волжский район).



### Метаграмма, анаграмма да логогриф нерген

Южо йоча-шамыч метаграмма, анаграмма да логогриф коклаште могай ойртыш улмым огыт шин-че.

Метаграммат, анаграммат, ло-гогрифат нине посна шотан туш-то улыт.

Метаграммыште ик мутын он-чыл букважым вес буква-шамыч дене вашталтылат—у мут-шамыч лиедат. Могай мут-шамыч лек-тыт—вот тидым палаш күлеш.

Мутлан:

"М" дене—шопшо тылзе,

"Ч" дене—шокшо вуд.

Ответ: М-ай—Ч-ай

Анаграммыштан ик буква веш-се дене вашталтылын, вес мут-шамычым налаш лиеш. Но мутын ончыл букважым огыл, коргысы-жым вашталтылаш күлеш.

Мутлан:

"З" дене—сурт волык,

"Т" дене—йол чием.

Ответ: Ка-з-а—ка-т-а.

Логогриф дене мутым "түрлө" задачыш савыраш лиеш: мөнгеш-ла лудын, буквам ешарен, буква-жым кудалтен, слог-шамычын ве-рыштым вашталтен, молат.

Теве мутлан:

Кажне пörтыштö

мый улам.

"Н"-ым кудалтет гын,

Юлыш йогаш тугалам.

Ответ: Окна—Ока.

Метаграмм, анаграмм, ло-гогрифым составитлыме годым ритым, рифмым эскераш күлеш. Тиде сылнылыкым пурта.

### "Ямде лий" газетым лудшо-шамыч!

11 январьыште ме военно-морской модышын первый ойлымашыжым печатлышна. Ойлымаш почеш шым йодыш-шамыч улыт. Ко модышын-то участвоватлаш шона гын, тиде йодыш-шамычлан отве-тым возен колтыза. Моды-шынто чыланат участвова-лен кертыт: тунемше, ту-ныктышо, пионервожатый-шамыч да молат. Ответ де-не пырля ончымташ күлеш: могай классыште тунемыда, лум ден фамилият раш лийже.

Ойлымаш - шамыч чылаже кумыл лийыт. Кажне ойлы-маш почеш йодыш-шамыч лийыт. Модышынто участво-ватлыше-шамыч кажне ой-лымашлаче йодыш-шамычлан ответым колтышаш улыт.

Редакция.

Отв. редактор—

И. М. МУЗУРОВ.